



GRAD TUZLA

Bosna i Hercegovina
Federacija Bosne i Hercegovine
Tuzlanski kanton
GRAD TUZLA
Gradonačelnik
Broj: 02/14-A-6095-2019
Datum:06.09.2019. godine

Na osnovu člana 3. i člana 4. Zakona o investiranju javnih sredstava („Službene novine Federacije BiH“, broj 77/04 i 48/08), član 5. Politika investiranja raspoloživih novčanih sredstava Grada Tuzla broj 01/14-A-5627-2019 od 29.08.2019. godine, član 5. Pravilnika o investiranju javnih sredstava Grada Tuzla broj 01/14-A-5628-2019 od 29.08.2019. godine, Grada Tuzla, objavljuje:

JAVNI POZIV

za izbor investicijskih banaka za 2019. godinu

I. PREDMET JAVNOG POZIVA

U skladu sa članom 5. Pravilnika o investiranju javnih sredstava Grada Tuzla (u daljnjem tekstu: Pravilnik) Grad Tuzla raspisuje javni poziv za **odabir najmanje 4 (četiri) investicijske banke** za usluge oročavanja slobodnih raspoloživih sredstava Grada Tuzla.

Predmet ovog javnog poziva je prikupljanje ponuda za izbor investicijskih banaka za investiranje javnih sredstava u oročene depozite kod banaka koje su članice Agencije za osiguranje depozita Bosne i Hercegovine za 2019. godinu.

II. USLOVI OROČAVANJA

Oročavanje sredstava za investiranje kod izabranih banaka će se vršiti prema sljedećim kriterijima:

a) Kamatna stopa na deponovana sredstva:

Iznos deponovanih sredstava	Rok dospijeća			
	7 dana	1 mjesec	2 mjeseca	3 mjeseca
<i>do KM 200.000</i>				
<i>KM 200.001 - KM 500.000</i>				
<i>KM 500.001 - KM 1.000.000</i>				
<i>KM 1.000.001 - KM 1.500.000</i>				
<i>KM 1.500.001 - KM 2.000.000</i>				
<i>KM 2.000.001 - KM 3.000.000</i>				
<i>preko KM 3.000.000</i>				

Napomena:

- Fiksna kamatna stopa u periodu oročenja. Sve kamatne stope u ponudi moraju biti na 2 (dvije) decimale.



GRAD TUZLA

- b) Opcija automatskog produženja ugovora pod istim uslovima (rok obavijesti prema banci 7 radnih dana od dana dospjeća);
- c) Period isplate kamate na mjesečnom nivou;
- d) Uslovi i troškovi prijevremenog raskida ugovora (razročenje deponovanih sredstava) uz pripis i isplatu dospjele kamate srazmjerno do momenta raskida ugovora/razročenja, a što podrazumijeva vrijeme najave prijevremenog raskida ugovora.

III. OBAVEZE INVESTICIJSKIH BANAKA

- a) Usluge vođenja oročenog depozita bez naknade;
- b) Obračun godišnje kamate na oročene depozite;
- c) Uplatu kamate na depozitni račun Grada Tuzla u skladu sa instrukcijama Grada Tuzla;
- d) Mjesečno slanje kamatnog lista putem e-maila, u skladu sa instrukcijama Grada Tuzla;
- e) Ostale poslove depozitara, uključujući i usluge otvaranja i zatvaranja računa za oročene depozite bez naknade.

IV. USLOVI ZA UČEŠĆE NA JAVNOM POZIVU I DOKAZI KOJI SE DOSTAVLJAJU

Pravo učešća na ovom javnom pozivu imaju banke koje ispunjavaju sljedeće uslove:

1. Da je registrovana za obavljanje bankarske djelatnosti na području Bosne i Hercegovine;
2. Da posjeduje dozvolu za rad izdatu od strane nadležne Agencije za bankarstvo;
3. Da je članica Agencije za osiguranje depozita Bosne i Hercegovine;
4. Da nudi fiksne kamatne stope koje će važiti do kraja 2019. godine;

Kao dokaz da banka ispunjava navedene uslove iz stava 1. ove tačke potrebno je dostaviti u originalu ili ovjerenj kopiji sljedeće dokumente:

1. Izvod iz sudskog registra ili dokument koji je ekvivalent izvodu iz sudskog registra kojim se dokazuje da je banka registrovana za obavljanje profesionalne djelatnosti koja je predmet javnog poziva;
2. Dozvola za rad izdata od nadležne Agencije za bankarstvo;
3. Potvrdu ili neki drugi dokument izdat od Agencije za osiguranje depozita Bosne i Hercegovine;
4. Izjava banke da nudi fiksne kamatne stope koje će važiti do kraja 2019. godine - u skladu sa obrascem izjave koji se nalazi u prilogu;
5. Bilans stanja i Bilans uspjeha/Račun dobiti i gubitka za 2016., 2017. i 2018. godinu koji da se odnosi na banku kao pravno lice registrovano u Bosni i Hercegovini;
6. Izjava banke o adekvatnosti kapitala. Podaci moraju biti identični podacima iz finansijskih izvještaja koji se dostavljaju nadležnoj Agenciji za bankarstvo.



GRAD TUZLA

V. SADRŽAJ PONUDE

Ponuda koju dostavlja banka mora sadržavati najmanje sljedeće dokumente:

1. Izvod iz sudskog registra ili dokument koji je ekvivalent izvodu iz sudskog registra kojim se dokazuje da je banka registrovana za obavljanje profesionalne djelatnosti koja je predmet javnog poziva;
2. Dozvola za rad izdata od nadležne Agencije za bankarstvo;
3. Potvrdu ili neki drugi dokument izdat od Agencije za osiguranje depozita Bosne i Hercegovine;
4. Izjava banke da nudi fiksne kamatne stope koje će važiti do kraja 2019. godine - u skladu sa obrascem izjave koji se nalazi u prilogu javnog poziva;
5. Bilans stanja i Bilans uspjeha/Račun dobiti i gubitka za 2016., 2017. i 2018. godinu koji da se odnosi na banku kao pravno lice registrovano u Bosni i Hercegovini;
6. Izjava banke o adekvatnosti kapitala. Podaci moraju biti identični podacima iz finansijskih izvještaja koji se dostavljaju nadležnoj Agenciji za bankarstvo;
7. Uredno popunjen Obrazac za prijavu na Javni poziv za izbor investicijskih banaka za 2019. godinu - u skladu sa obrscem koji se nalazi u prilogu Javnog poziva;
8. Potpisan i ovjeren nacrt Okvirnog sporazuma za izbor investicijske banke za 2019. godinu.

VI. KRITERIJ ZA IZBOR INVESTICIJSKE BANKE

Kriterij za dodjelu Okvirnog sporazuma za oročavanje raspoloživih novčanih sredstava je **najviša ponuđena kamatna stopa na oročene depozite**. Pojedinačni ugovori o oročavanju depozita će se zaključivati sa najmanje 4 (četiri) banke sa kojima je zaključen Okvirni sporazum redom od banke koja je ponudila najvišu kamatnu stopu za odgovarajući iznos i rok dospjeća.

U slučaju da dostavljene ponude banaka budu identične u pogledu kriterija visine kamatne stope, prednost u izboru imat će banka koja bude imala kraće vrijeme najave prijevremenog raskida ugovora.

Banke su obavezne ponuditi kamatne stope za sve stavke oročenja iz tabele.

Investiranje raspoloživih novčanih sredstava vršit će se oročavanjem novčanih sredstava putem najmanje 4 (četiri) investicione banke. Ukoliko se prilikom izbora ne prijavi dovoljan broj ponuđača, ugovor će se sklopiti sa bankama koje zadovoljavaju kriterije, a novi postupak izbora će se pokrenuti za odabir preostalih banaka.

Prihvaćena ponuda će biti osnova za zaključivanje Okvirnog sporazuma o oročavanju raspoloživih novčanih sredstava za 2019. godinu.

VII. ROK I NAČIN DOSTAVLJANJA PRIJAVE NA JAVNI POZIV

Prijava na Javni poziv zajedno sa pratećom dokumentacijom treba biti dostavljena **najkasnije do 18.09.2019. godine** lično na protokol Grada Tuzla ili preporučeno poštom na adresu:



GRAD TUZLA

GRAD TUZLA

**Komisije za izbor investicijskih banaka za 2019.godinu
Ul. ZAVNOBiH-a broj 11, 75 000 Tuzla, Bosna i Hercegovina
sa naznakom:**

**„Prijava na Javni poziv za izbor investicijskih banaka za 2019. godinu“ - NE
OTVARATI!**

Prijave na Javni poziv dostavljaju se u zatvorenoj i zapečaćenoj koverti. Neblagovremene i nepotpune prijave na Javni poziv neće biti uzete u razmatranje.

VIII. OCJENA PONUDA

Pristigle ponude ocijenit će Komisija imenovana od strane Gradonačelnika Grada Tuzla, a o rezultatima ocjene banke će biti obaviještene najkasnije 7 (sedam) dana od dana donošenja Odluke o izboru banaka sa kojima će se zaključiti Okvirni sporazum o oročavanju raspoloživih novčanih sredstava.

Sve dodatne informacije o načinu i postupku učešća u Javnom pozivu, mogu se dobiti u Službi za budžet i finansije Grada Tuzla, direktno ili putem telefona: 035/307-373, kontak osobe Ajlina Buljubašić, dipl.ecc, i Mirjana Gavrić, dipl.ecc.

Javni poziv za izbor investicijskih banaka za 2019. godinu, Obrazac prijave i nacrt Okvirnog sporazuma mogu se preuzeti na web stranici Grada Tuzla: www.grad.tuzla.ba

GRADONAČELNIK

Jasmin Imamović, dipl. pravnik



GRAD TUZLA

PRIJAVA na Javni poziv za izbor investicijskih banaka za 2019. godinu

PONUDA BROJ: _____

DATUM: _____

(naziv banke)

(adresa)

(kontakt osoba)

(kontakt telefon)

U skladu sa objavljenim Javnim pozivom za izbor investicijskih banaka za 2019. godinu, dajemo Vam našu ponudu koja glasi:

a) Kamatna stopa na deponovana sredstva:

Iznos deponovanih sredstava	Rok dospijeća			
	7 dana	1 mjesec	2 mjeseca	3 mjeseca
do KM 200.000				
KM 200.001 - KM 500.000				
KM 500.001 - KM 1.000.000				
KM 1.000.001 - KM 1.500.000				
KM 1.500.001 - KM 2.000.000				
KM 2.000.001 - KM 3.000.000				
preko KM 3.000.000				

Napomena:

- Fiksna kamatna stopa u periodu oročenja. Kamatna stopa mora biti ponuđena zaokruženo na dvije decimale.



GRAD TUZLA

Ostali kriteriji iz ponude:

- b) Opcija automatskog produženja ugovora pod istim uslovima (rok obavijesti prema banci 7 radnih dana od dana dospjeća);
 - c) Period isplate kamate na mjesečnom nivou;
 - d) Uslovi prijevremenog raskida ugovora (razročenje deponovanih sredstava)
- Najava prijevremenog raskida ugovora u roku _____
(izraženo u danima)
 - Prihvatamo da ćemo u slučaju prijevremenog raskida ugovora izvršiti pripis i isplatu dospjele kamate srazmjerno do dana raskida ugovora (razročenja deponovanih sredstava) bez naknade.

U prilogu ove Prijave dostavljamo vam i ostalu dokumentaciju kojom dokazujemo da ispunjavamo uslove iz tačke IV. Javnog poziva.

Mjesto _____

Datum _____ 2019. godine

MP

Potpis ovlaštenog lica



GRAD TUZLA

IZJAVA O NUĐENJU FIKSNE KAMATNE STOPE

Ja, niže potpisani _____ (*Ime i prezime*), sa ličnom kartom broj: _____ izdatom od _____, u svojstvu predstavnika banke _____ (*Navesti položaj, naziv banke*), ID broj: _____, čije sjedište se nalazi u _____ (*Grad/općina*), na adresi _____ (*Ulica i broj*), **pod punom materijalnom i krivičnom odgovornošću izjavljujem** da je ponuđena kamatna stopa fiksna i da će ista važiti do kraja 2019. godine.

Mjesto _____

Datum _____ 2019.godine

MP

Potpis ovlaštenog lica



GRAD TUZLA

NACRT OKVIRNOG SPORAZUMA za investiranje raspoloživih novčanih sredstava

Zaključen između:

1. GRAD TUZLA ulica ZAVNOBiH-a broj 11, koga zastupa Gradonačelnik Jasmin Imamović, dipl.pravnik (udaljmem tekstu: Deponent), i
2. _____ (naziv banke), ulica _____, koju zastupa direktor _____ kao depozitara (u daljem tekstu: Banka)
(ovdje će biti navedene sve banke koje budu ispunjavale uslove Javnog poziva i sa svima će se zaključiti okvirni sporazum)

Član 1.

Predmet okvirnog sporazuma je investiranje raspoloživih novčanih sredstava Grada Tuzla u oročeni depozit kod banaka koje su članice Agencije za osiguranje depozita Bosne i Hercegovine, a na osnovu dostavljene i prihvaćene ponude za oročenje sredstava broj: _____ od _____ 2019. godine.

Član 2.

Banka se obavezuje da će vršiti oročavanje sredstava prema definisanim uslovima u dostavljenoj ponudi broj: _____ od _____. godine koja je sastavni dio ovog Sporazuma.

Ponuđena kamatna stopa je fiksna tokom trajanja ovog okvirnog sporazuma.

Član 3.

Banka se obavezuje da će sve poslove vezane za otvaranje i zatvaranje računa za oročene depozite, vođenje oročenog depozita kao i sve ostale poslove depozitara vezane za ulaganje sredstava u oročeni depozit obavljati bez dodatne naknade.

Član 4.

Oročavanje novčanih sredstava vršit će se u skladu sa odlukama Investicionog menadžera Grada Tuzla, a za svako oročavanje će se zaključivati pojedinačni ugovori.

Pojedinačni ugovori će se zaključivati u formi predloženoj od strane banke pod uslovom da ugovor ne može sadržavati odredbe koje su u suprotnosti sa uslovima iz Javnog poziva, uslovima iz dostavljene ponude od strane Banke i odredbama ovog okvirnog sporazuma.

Pojedinačni ugovor o oročavanju depozita, koji se zaključi na osnovu okvirnog sporazuma tokom njegovog trajanja, imat će opciju automatskog produženja pod istim uslovima ukoliko Grad Tuzla u roku od 7 dana ne obavijesti banku da ne želi produžiti ugovor.



GRAD TUZLA

Član 5 .

U slučaju da dođe do prijevremenog raskida pojedinačnog ugovora o oročavanju depozita Banka se obavezuje da izvrši obračun i isplatu dospjele kamate srazmjerno do dana prijevremenog raskida ugovora o oročavanju depozita.

Član 6.

Grad Tuzla smije investirati u oročeni depozit kod jedne banke maksimalno 25% raspoloživih novčanih sredstava za investiranje u skladu Zakonom o investiranju javnih sredstava ("Službene novine FBiH" broj:77/04 i 48/08) i u skladu sa Politikom investiranja raspoloživih novčanih sredstava Grada Tuzla za 2019. godinu broj:01/14-A-5627-2019 29.08.2019. godine.

Član 7.

Ovaj Sporazum se zaključuje na određeno vrijeme, te stupa na snagu danom potpisivanja svih sporazumnih strana i traje do 31.12.2019. godine.

Svaka strana može jednostrano raskinuti ovaj okvirni sporazum ukoliko se druga strana ne pridržava obaveza utvđenih ovim sporazumom i pojedinačnim ugovorom zaključenim na osnovu ovog okvirnog sporazuma, uz otkazni rok u trajanju od 7 dana. Otkazni rok počinje teći od dana dostave pisane obavijesti o otkazu ugovora drugoj strani.

Raskidom Okvirnog sporazuma sa jednom Bankom, automatski se raskidaju i svi sklopljeni pojedinačni ugovor sa tom Bankom.

Član 8.

Ugovorne strane su saglasne da za sva ostala pitanja koja nisu regulisana ovim Sporazumom važe odredbe Zakona o obligacionim odnosima i odredbe važećih akata Banke koje se odnose na ovu vrstu poslova, a koje nisu u suprotnosti sa ponuđenim uslovima iz Javnog poziva.

Član 9.

U slučaju spora između ugovornih strana isti će se rješavati sporazumno, u suprotnom spor će se rješavati pred nadležnim sudom.

Član 10.

Ovaj sporazum je sačinjen u 4 (četiri) primjerka od kojih svaka strana zadržava po 2 (dva) primjerka.

GRAD TUZLA

Gradonačelnik

BANKA

Direktor

Broj: _____

Datum: _____

Broj: _____

Datum: _____